

Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство просторног
уређења, грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-23146-78/19 III MG
Sarajevo, 15.07.2019. godine

SKUPŠTINA KANTONA SARAJEVO
n/r Elmedin Konaković, predsjedavajući
- ovdje -

PREDMET: Odgovor na zastupničku inicijativu zastupnice Bilzene Šahman

Zastupnica Bilzena Šahman na Devetoj radnoj sjednici Skupštine Kantona Sarajevo, održanoj dana 19.06.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. Poslovnika Skupštine Kantona Sarajevo, pokrenula je zastupničku inicijativu:

“Navedena inicijativa odnosi se na realizaciju aktivnosti selekcije otpada kojom se trebaju utvrditi lokacije za postavljanje kontejnera za primarnu selekciju otpada, pribaviti urbanističke saglasnosti za lokacije, izgraditi zelene otoke za primarnu selekciju otpada i podijeliti kante domaćinstvima, provoditi javne kampanje i edukaciju stanovništva o korištenju kontejnera i kanti u svrhu selektiranja komunalnog otpada. Potrebno je odrediti dane kada će se odlagati pojedine vrste otpada iz domaćinstava.

Obrazloženje: Selektivno prikupljanje otpada i smanjenje ukupnih količina za konačno odlaganje, doprinosi povećanju pokrivenosti teritorije općine organizovanim prikupljanjem otpada i iskorištenjem korisnih komponenti otpada kao komercijalni dio, smanjenju troškova zbrinjavanja otpada i poboljšanju uslova kvaliteta života i zadovoljstva građana sistemom upravljanja otpadom.”



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



ODGOVOR:

Predmetna inicijativa je u skladu sa opredjeljenjima definisanim Planom upravljanja otpadom Kantona Sarajevo za period 2015.-2020.godina ("Službene novine Kantona Sarajevo" broj 29/15).

Planom upravljanja otpadom Kantona Sarajevo definisan je krovni strateški cilj u oblasti upravljanja otpadom: „smanjenje količina otpada za finalno zbrinjavanje uz efikasnije korištenje resursa koje podrazumijeva stvaranje uslova za selektivno prikupljanje otpada i iskorištavanje svih kategorija otpada za koje postoji tržište“. Akcionim planom, koji je sastavni dio Plana upravljanja otpadom, utvrđene su mjere, aktivnosti, nosioci aktivnosti i potrebna sredstva za realizaciju istog.

Jedna od aktivnosti predviđena Akcionim planom je "Izrada elaborata o lokacijama reciklažnih dvorišta, niša i zelenih otoka za područje devet općina Kantona Sarajevo sa lociranjem u prostorno-planskoj dokumentaciji i investicijskim planom“, čiji su nosioci aktivnosti Ministarstvo prostornog uređenja, građenja i zaštite okoliša Kantona Sarajevo, Zavod za planiranje razvoja Kantona Sarajevo i općinska odjeljenja za poslove prostornog uređenja i komunalne poslove. Cilj i zadatak Elaborata je da na osnovu analize postojećeg stanja infrastrukture za prikupljanje otpada i prostornih mogućnosti definiše smjernice uspostavljanja selektivnog prikupljanja otpada na području devet općina KS u svrhu unaprijeđenja sistema upravljanja komunalnim otpadom. Zavod za planiranje razvoja Kantona Sarajevo je okončao aktivnosti na izradi elaborata, a Ministarstvo prostornog uređenja, građenja i zaštite okoliša je pripremlilo prijedlog Odluke o usvajanju, koja će uskoro biti upućena na donošenje Vladi Kantona Sarajevo.

Za potrebe izrade Elaborata formirana je GIS baza podataka o lokacijama za prikupljanje otpada i „Tehničke smjernice za projektiranje infrastrukture za prihvatanje otpada“. U Tehničkim smjernicama je predstavljeno postojeće stanje u sistemu upravljanja komunalnim otpadom na nivou Kantona Sarajevo, koncept prikupljanja, smjernice i idejna rješenja za planiranu infrastrukturu, kao i zoniranje Kantona Sarajevo prema tipskim sadržajima u kojima nastaje komunalni otpad. Tehničke smjernice imaju za cilj osiguravanje efikasnog razdvajanja i prikupljanja otpadnih materijala u skladu sa očekivanim ciljevima, planiranje prostora za smještaj infrastrukture za otpad u prostorno-planskoj dokumentaciji, propisivanje određenih zahtjeva i osiguravanje funkcionalnog korištenja i održavanja.

Ukupno potrebna sredstva za uspostavu predmetne infrastrukture su procijenjena na 26.180.752,86 KM.

Pored Elaborata, u prethodnom periodu je putem saradnje sa Svjetskom bankom urađena i Preliminarna studija izvodivosti za razvoj sistema za odvojeno prikupljanje i sortiranje reciklabilnog otpada u Kantonu Sarajevo. Stručnjaci koje je angažovala Svjetska banka su se posebno bavili institucionalnim i pravnim okvirom, kao i finansijskim aspektom za uspostavu cjelovitog sistema selektivnog prikupljanja otpada u Kantonu. U tom smislu, u Studiji je konstatovano da još uvijek nisu dovoljno razvijene šeme produžene odgovornosti proizvođača već uspostavljene u FBiH, da bi se implementirali sveobuhvatni sistemi za odvojeno prikupljanje i sortiranje ambalažnog otpada iz domaćinstava. Kroz koncept produžene odgovornosti proizvođača se trebaju obezbijediti neophodna dodatna sredstva za implementaciju odvojenog prikupljanja, a procjena je da bi se i naknade koje



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



plaćaju domaćinstva trebale povećati za više od 25%. Takođe, je utvrđeno da će uloge u sistemu prikupljanja i obrade izdvojenih komponenti biti jasne kad Federalno ministarstvo okoliša i turizma izradi sve pravilnike o upravljanju posebnim kategorijama otpada.

Dakle, do ispunjenja ovih pretpostavki, predloženo je da Kanton Sarajevo aktivno participira u izradi federalne regulative, inovira svoje propise o komunalnom otpadu, te da investira u infrastrukturu koja je obrađena elaboratima o lokacijama reciklažnih dvorišta, niša i zelenih otoka, uz kontinuiranu edukaciju i podizanje svijesti o značaju reciklaže otpada.

Na osnovu izloženog, može se zaključiti da se kontinuirano radi na implementaciji poslaničke inicijative.



Damir Filipović, MA prava

Dostaviti:

- Naslovu
- Vlada Kantona Sarajevo
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



